

Sagardoa

Joxe Migel Bereziartua

Gipuzkoako Sagardogileen Elkarteko lehendakaria

Profesionaltasunaren bidean

■ Sagardo berriaren sasola aurten ere heldu da, eta lehenik eta behin, aurreko urtearen balantzea egin behar. Sagardogileen artean oso balantze ona izan da. Aurreko urtean egniko sagardo gehientsuena saldu egin da, dena ez esateagatik. Asko eta asko sagardo berria botllartzeko zain daude oraintxe, sagardorik ez dagoelako.

Joan den urtean 6 milioi litro sagardo egin ziren, azken urteotako kopurua berdinduz eta pixka bat gaituz. Hasi berri den kanpainan % 10 inguru gehitu da produkzio hau, 7 bat milioi litro-raino helduz. Merkatu bat bada hor, eta pixkanaka ari gara horri erantzuten.

Gure onerako, Gipuzkoako Diputazioak hemengo sagardo sagarra bultzatzeko 1982an sortu zuen laguntza hasia da fruituak ematen. Duela urte batzuk, sagardoa egiteko erabiltzen genuen sagarraren % 10 besterik ez zen hemengoa. Joan den urtean % 30era heldu ginen, eta aurten % 50eraino helduko gara. Hamar milioi kilo sagar urtu dira aurten, eta hauetarik ia bost milioi Gipuzkoakoak dira. Horrek zer esan nahi du? Euskal Herriko sagardogintza gorantz gora dihoala, eta sagardotegiak ongi dabilzala ikusirik, horrek ere animatzen duela jendea sagarra produzitzera. Nire ustez hemendik aurrera gora egingo du hemengo sagar ekolozpenak.

Hau guztia ballatuz produktu ona eskaini eta behar bezala merkatuan zabaltzea litzateke gure erronka nagusia etorkizunari begira. Badira hainbat gauza zintzilik daudenak, erregulazio baten zain. Azken aldirian sagardotegi izenarekin ugalduz joan diren jatetxeen gala ere hor dago. Erregulazio zaila duen gala da hau. Batetik, sagardogileen aldetik. Aspaldiko kontuak dira. Hor ikusten da guk sagardotegi izena gurasoengandik jaso genuela, eta nolabaiteko patrimonio gisa jaso izan dugu. Duela 40 bat urte ez genuen inolaz ere pentsatzen baserrietan jatetxe bat sortuko zenik, txotx giroan bezeroak gustura edukitzea nahi zen



«Produktu on bat eskaini
eta behar bezala
merkatuan zabaltzea
litzateke gure erronka
nagusia etorkizunari
begira, eta badira hainbat
gauza zintzilik daudenak,
erregulazio baten zain»

arren. Denok dakigu azken urteotan txotx giroak zer-nolako boom-a izan duen. Besteen etxeetan denok ikusten ditugu trabazi handiak, eta jatetxeak ikusi du, nire ustez, bere negozioari sagardotegi izena erantsiz gero, amu polita duela.

Ari honetan, Administrazio aldetik ere izan da utzikeria pixka bat. Uste dut hau guztia pixka bat planifikatu egin behar dela. Izan ditugu horretarako harremanak. Gure aldetik, izen hori gurea propio izan zedila eskatzen genuen, baina Administrazioak erantzun zigun, izena jenerikoa denez, ezin dela kendu. Ez ginen harritu, baina ez ginen ados. Sagardogileentzat izen berri bat asmatzea ere eskatu genuen ondoren, jendeak argi jakin zezan nora zihoan. Baina ez da erraza hau guztia konpontzea. Ez dugu enfrontamendurik nahi, ez baikaramatza inora.

Honez gain, sagardogileok garbi dugu merkatua zabaltzeko behar dugula. Txotx giroak trabazi batzuk ematen dituen arren, botilatik bizi behar duela sagardogileak. Asko eta asko bide horretatik bizi da, eta lan asko egiten ari gara, esfortzu handiak, eta banatzalteei sartu diegu gure produktua, gastronomia elkarteak ziren lehen gure bezero nagusiak eta egun aldatuz goaz pixkanaka. Etiketazioa ere aurrera doa. Zalan-tzarik ez dugu gainera hori dela bidea.

Jatorri izena eta labela ere aitatu izan dira aurrerantzako urrats bezala. Jatorri izena zaila da une honetan Gipuzkoa mallan, erabat Gipuzkoako sagarraz egin behar delako, eta ez gaudelako horretarako prestatuak.

Labela errazago da, baina alboko gauzak ikusi egiten dira, eta badira labelak ondo atera direnak, eta galzki irten direnak ere bai. Ildo horretan, horretan sartzeko asmorik ez dugu, momentuz behintzat. Sagardogintza nahikoa ondo doa momentuz, eta nahiago dugu gauzak ongi aztertu, eta hemendik bi urtera ikusten badugu beharrezkoa dela, jakinaren gainean abiatuko gara. ■

SAGARZAZU

Sagardotegia

ASTELEHENETIK LARUNBATERA
BITARTEAN IREKIA

BARRENETXEA BASERRIA - ☎ 641641 - Semisarga auzoa
HONDARRIBIA

AÑOTA

Sagardotegia




Tel.: 81 20 92

AZPEITIA

“URTE OSOAN ZABALIK”

SETIEN

SAGARDOTEGIA



Gurutzeta Berri
Tel.: 55 10 14
URNIETA